



Inatsisartunut ilaasortaq Knud Kristiansen  
Attaviitsoq

**Namminersorlutik Oqartussat illuutai pillugit Suliarinnittoqarfiup pilersaarusiai  
pillugit apeqqummut akissut**

Brevdato: 01.02.2017

Asasara Knud Kristiansen

Sags nr.  
2017 - 1268  
Dok. nr.16385366

Qujanaq Namminersorlutik Oqartussat illuutai pillugit Suliarinnittoqarfiup pilersaarusiai  
pillugit apeqqummut nassiussannut. Ataani allaqqapput apeqqutit akissutinnik malitsilik.

Postboks 909  
3900 Nuuk

**Qaqugu ineqarneq pillugu iliusissamik pilersaarut piareernissaa  
naatsorsuutigineqarpa?**

Tlf.: (+299) 34 50 00  
E-mail: box909@nanoq.gl  
www.naalakkersuisut.gl

Apeqqutinnut tunngavilersuutigivat Namminersorlutik Oqartussat illuutai pillugit  
Suliarinnittoqarfiup pilersaarusiai 2016-ip naanerani  
naammassineqarsimasussaagaluartut, kisiannili Inatsisartut  
naammassineqarsimaneranik suli ilisimatinneqarsimanatik.

**Akissut:**

Siusinnerusukkut nalunaarutigineqarsimavoq suliarinnittoqarfiit pilersaarusiai  
ataatsimoortut 2017-imi ukiup sisamararterutaani siullermi saqqumisinnaasut, taamalu  
2018-imut tapiissutit isumaqatigiinniutigineqarnerannut atatillugu Namminersorlutik  
Oqartussat inissiaatai kommuninut tunniunneqarnissaat pillugit  
isumaqatigiinniutigineqarnerannut tunngaviusinnaallutik. Anguniagassatut pilersaarusiaq  
taanna eqqortinneqarsinnaasutut isikkoqarpoq.

Ilisimatitsissutigisinnaavara suliarinnittoqarfiit pilersaarusiai 3 akuerineqareermata,  
aamma suliarinnittoqarfiup pilersaarusiaa 1 Naalakkersuisunut tunniunneqarnissaanut  
piareerpoq. Taakkua saniatigut naalakkersuisoqarfik suliarinnittoqarfiit pilersaarusiai  
allat 3 pillugit tusarniaanermiit akissutaasimasut tulluarsarlugit ilanngussuleruttormagit.  
Suliarinnittoqarfiit pilersaarusiai suli allat 4 kommuninut aamma A/S Inissiaatileqatigiiffik  
INI-mut taavalu Iserit A/S-imut qaammammi matumami tusarniaassutigalugit  
nassiunneqassapput, taakkunanga kingulleq ukiup sisamararterutaata siulliup  
naanerani piareersimassangatinneqarluni. Aammattaaq pilersaarutaavoq  
Namminersorlutik Oqartussat illuutai pillugit Suliarinnittoqarfiit pilersaarusiai pillugit  
nalunaarusiaq ataatsimoortoq suliarineqassasoq, tassani suliarinnittoqarfiit  
pilersaarusiai 12 maanna suliarineqartut eqikkarlugit saqqummiunneqassallutik.

Inussiarnersumik inuulluaqqusillunga

  
Múte Bourup Egede